

高青邱詩鈔

下

144


2

150

館書圖京東

貳	一	一	詩
冊	五	四	文
	號	函	類
		架	門

和書門



東家
青
書

雨蓬

楚雨滿汀洲。滿心灑客舟。夢驚孤枕夜。愁掩一蓬秋。
葦葉寒相戰。灘聲暗與流。此時湘浦上。同聽只沙鷗。

湓浦琵琶圖

秋夜相逢處。閨愁雜宮情。四絃風共拂。兩掉月同明。
司馬青衫溼。佳人白髮生。至今湓浦上。楓葉尚哀聲。

五言排律

韓蘄王墓

宗室中興日。將軍武略優。功宜超賈鄧。名耻並張劉。
白馬空南渡。黃龍竟北遊。誓擒諸部種。還報兩宮仇。

使事切
屬對原
本少陵
必傳之
作

精製
鄂王殿
有餘力

朝使頒金冊。邊人識錦裘。躍戈衝野陣。橫棹截江流。
 殘虜亡魂走。中原指掌收。未終藩閫寄。已惑廟堂謀。
 坐散熊羆士。甘臣犬豕酋。和戎詞易屈。復漢志難酬。
 關聳兵山曉。陵荒鞏樹秋。廢頗歸未老。郭令罷誰留。
 折檻言徒切。藏弓勢可憂。俄看星隕墨。永使陸沈州。
 感慨思前代。淒涼弔古丘。劍花埋虎氣。碑蘚剝螭頭。
 石騎嘶風雨。山僧護檟楸。鼓旗何寂々。簡冊謾悠悠。
 父老悲猶在。英雄事已休。樓霞嶺前墓。聞說更堪愁。

焚香

艾蒻山中品。都夷海外芬。龍洲傳舊採。燕室試初焚。

奩印仄縈字。爐呈玉鑲文。乍飄猶掩冉。將斷更氤氳。
 薄散春江霧。輕飛曉峽雲。銷遲憑宿火。度遠託微薰。
 著物元無跡。游空忽有紋。天然垂裊々。池浪動沄沄。
 異韻來千和。祥霏却衆葷。嵐光風卷碎。花氣日蒸醺。
 燈炷宵同歇。茶烟午共紛。褰帷煖故早。引已記添勤。
 梧影吟成見。鳩聲夢覺聞。方傳頌寢法。靈著辟邪勳。
 小閣清秋雨。低簾薄晚曛。情慙韓掾深。恩記魏王分。
 宴客留鷄侶。招仙降鶴群。曾携朝罷袖。尚浥舞時裙。
 囊稱縫羅佩。箒宜覆錦熏。畫堂空搗桂。素壁漫塗芸。
 本欲參童子。何須學令君。忘言深坐處。端此謝塵氛。

六言律詩

夫差女瓊姬墓

夢別芙蓉殿頭墮，釵零落誰收。土昏清鏡，忘曉月冷。
珠襦恨秋葉，鹿昔來廢苑。牛羊今上荒丘，香魂若怨。
亡國莫與西施共遊。

楊氏山莊

斜陽流水幾里，啼鳥空林一家。客去詩題柿葉，僧來
供煮藤花。

陶秘書廣陵送別圖

暮雨潮生瓜步，春山樹遠蕪城。惆悵離舟欲發，江南

烟寺鐘聲

晚登南岡望都邑，宮闕

七律勝于五律能流利
飛動也勿但賞其好句

落日登高望帝畿，螭蟠山下見龍飛。雲霄雙闕開黃
道，烟樹三宮接翠微。沙苑馬間秋獵罷，天街車鬪晚
朝歸。明朝欲獻昇平頌，還逐仙班入瑣闈。

其二

秦金不厭氣佳哉，紫蓋黃旗此日開。殘雪已銷鳩鵲
觀，浮雲不隱鳳凰臺。山如洛下層層出，江自已中渺
々來。六代衣冠總成土，幸逢昌運莫興哀。

送沈左司從汪參政分省陝西汪由御史中丞

用意無
景選詞
鍊格無
不入妙
不七言
七言近
體以此
為冠

出

重臣切陝西分陝去臺端。賓從威儀盡漢官。四塞河山歸版
籍百年父老見衣冠。函關月落聽雞度華岳雲開立
馬者知爾西行定。回首如今江左是長安。

吳僧日章講師赴召修蔣山普度佛寺既罷東
歸送別

萬人擁座聽潮音。寶刹曾迂玉駕臨。佛法曉敷三藏
秘。帝恩春及九原深。鐘山坐處花頻雨。練浦歸時樹
欲陰。擬問楞伽嗟已別。楚江飛錫暮沉沉。

其二

故鄉未解識清容。却在金陵闕下逢。中禁曾分齋鉢
飯。上方時叩講筵鐘。一帆細雨迢如浦。半塔斜陽靄
如峰。相送師歸忽多感。飛雲亦戀白依松。

清明呈館中諸公

新烟着柳禁垣斜。杏酪分香俗共誇。白下有山皆繞
郭。清明無客不思家。下侯墓上迷芳草。盧女門前映
落花。喜得故人同待詔。擬沽春酒醉京華。

送易左司分省廣西

朝廷恃念遠。砥深畫省分官出。桂林油幕下。閑依漢
節。并衣時到貢蠻金。四時花發山多暖。半日嵐開市

羨無故
是天然
名俊

旭莊曰
莫當作
暮

尚陰虞帝祠前黃竹裏相思莫聽鷓鴣吟

京師秋興次謝太史韵

柳外秋風起御河京華客子意如何伎同南郭知應
濫俸比東方愧已多梁寺鐘來殘月落漢宮砧斷早
鴻過不材幸得同趨關幾度珊々候曉珂

送葉判官赴高唐時使安南還

銅柱崖前使節過賁隨歸騎入京多一切判官暫遣陪成
瑁片語曾煩下趙陀曉拜賜衣絳絳關秋催征棹渡
黃河政餘好賦登臨詠聞說州人最好歌

寄題安慶城樓

此篇與
此左司
作可云
發美

層構初成百戰終馮高應喜楚氛空山隨粉堞連雲
起江引清淮與海通遠客帆檣秋水外殘兵鼓角夕
陽中時清莫問英雄事回首長烟滅去鴻

送鄭都司赴大將軍行宮

上公蒙詔出蓬萊立馬風烟萬里開賜履已分無隸
遠舞戈還見有苗來牙前部曲多收績幙下賓僚更
倚才後夜軍門知子到郎星應是近三台

送兵生赴汴省其父指揮

都亭槐雨淨朝埃衫服逢秋試剪裁定遠未歸雙節
在孝廢初去一船開城依梁苑烟中閉河繞隨堤樹

裏來家慶，餘尋舊跡。夕陽騎馬過繁臺。

送鄭山人聽宣諭後歸東陽

閣門傳詔山人拜，清曉蓬萊望彩霞。布褐朝天纔赴闕，蒲帆帶雨又還家。沈侯詠罷樓沉月，婺女妝殘廟掩花。無限朝廷仁恤意，殷勤歸向老農誇。

送賈文學以郡薦赴禮部試畢歸吳

匹馬都門候曉開，吳公新薦賈生來。郡中方待傳經業，關下先稱射策才。寒食杏花江店雨，春衣柳絮驛程埃。慚予東掖叨陪講，難把長干送別杯。

送隣僧淡雲歸笠澤

往來海上獨離群，雅稱身名是淡雲。經院葉深秋講散，香臺鳥下午齋分。坐間山偈曾同說，別後隣鐘不共聞。笠澤到時尋舊業，菱池漠漠雨紛紛。

送滎陽公行邊

風卷雙旌雪覆韉，遠騎白馬出行邊。兵馳空壁三千幟，客宴高堂十萬錢。屏裏舊圖魚腹陳，燈前新著豹韜篇。功成他日論諸將，只有荀郎最少年。

婁江寓舍喜王七偶見過却送還郭

送君只過孝廢橋，不似君來訪我遙。路未同歸鴻香入門方孤掩竹，蕭々遠愁忽與鐘聲至。殘醉微兼燭

高青丘詩金
燼銷莫道扁舟難重過寒江日自有迴潮

送何記室遊湖州

暮雨闌城獨去遲少年心事劍相知故人當路輕貧賤倦客逢秋惡別離疎柳一旗江上酒亂山孤棹道中詩水嬉散後湖亭廢此去煩君吊牧之

江上寄丁校理昆季

望裏烟生是子家草堂應近鶴鷄沙江汴每恨無舟渡野墅空憐有酒賒半雨暮成風外雪孤梅春動臘中花相思猶隔前村遠獨倚柴門數去鴉

賦得寒山寺送別

楓橋西望碧山微寺對寒江獨掩扉船裏鐘催行客起塔中燈照遠僧歸漁村寂々孤烟近官路蕭々衆葉稀須記姑蘇城外泊烏啼時節送君違

聞朱將軍戰歿

江浦戈船赤幟稀孤軍落日陷重圍鏡中蛇墮占應驗牙上梟鳴事已非殘卒自隨新將去老親空見舊奴歸聞雞此夜誰同舞西望秋雲淚灑衣

送何明府之秦郵

何淮東人已
三為縣令

馬前風葉助離聲楚驛都荒不計程一令尚淹三懸事幾家曾見十年兵夕陽遠樹烟生戍秋雨殘荷水

繞城父老不須重歎息君來應有故鄉情

寄余左司

何處吹愁角一聲大江東岸呂蒙營天隨流水茫茫
去月與長庚耿耿明虜意有圖秋暫息客魂無定夜
還驚欲陪醞酒樓船座借問風潮早晚平

休沐日期行公北山不果獨卧齋中

休沐欣逢一日間擬邀禪客共登山兩筇未許尋蘿
迳孤枕應須掩竹關歷々遠峯塵土外蕭々深屋草
萊間安眠却勝清遊樂覺者斜陽燕子還

贈醫師王立方

醫得河間第五傳尋師曾上海門船龍方試後應多
驗鶴骨癯來已欲仙渡澗劇苓朝帶雪隔林蒸木午
生烟詩人亦有相如渴願乞丹沙舊井泉

吳戀庠訓導徐君善醫常起人疾求詩贈之

解榻高齋晝日遲坐談周孔雜軒岐仙人方在應藏
枕博士絳橫每下帷池上採芳風起處階前晒藥雨
收時病痊不使人栽杏只要新題滿卷詩

雅齋為陳山人賦

華屋雖存忍獨居愁瞻松柏倚踟躕夕陽馬下高人
墓夜雨烏啼孝子廬地掩衣冠魂去後家留圖籍手

編餘元方應有無窮意，陌上何年重駕車。

喜聞王師下蜀

蜀國兵銷大白，低將軍新拜漢征西。浮橋已毀通江，鷁進鼓初鳴。突水犀不假五丁，開道遠俄看萬甲積。山齋從今險阻無人恃，虜貢南來盡五溪。

贈林泉民張夢辰次韻負居韻

兩船幾度載狂客，詩卷平生隨老翁。林下自成麋鹿友，世間相去馬牛風。曉窗炊熟露葵紫，秋寺寫殘霜葉紅。他日誰脩耆舊傳，著君應在隱淪中。

倚樓

西館樓前見雁行，桂花初白柳枝黃。凭欄有客迎秋思，捲箔誰家出晚妝。未放離魂尋楚雨，已看歸鬢點吳霜。自憐對酒還惆悵，不及分司御史狂。

西塢

空山啄木聲敲鐙，花落水流縱復橫。松風吹壁鶴翎墮，梅雨過溪魚子生。尚有人家機杼遠，更無塵土衣裳輕。斜陽已沒月未出，樵子歸時吾獨行。

過海雲院贈及長老

衲擁寒雲老一丘，遊方無夢轉悠悠。茶香吹過前林晚，菜葉流來別澗秋。舊拂講餘懸壁上，殘經定後落

高青邱詩集
林頭紫藤塢裏歸逢雪，煨芋嘗煩慰客愁。

客舍歲暮

空江寒雨送淒涼，離舍無多即異鄉。井臼尚勤慙德曜，音書未至憶平陽。心輕別歲憑年少，夢喜還家及夜長。自笑病來詩賦拙，懶縱枚叟客遊梁。

江上晚眺懷王著作

渡頭西望足離情，晚水寒山雪後清。鷗立斷冰漸流遠，鵝隨殘照去還明。漁人笛過風生浦，估客帆迴樹絕城。茫蠡祠前春意動，思君欲放酒船行。

宿張氏江館

極浦荒雲一棹行，遠投江館駐宵程。客中得酒衝悲喜，亂後逢人說死生。木葉未空寒鳥聚，海潮欲上曙雞鳴。正憐此地無驚擾，歸夢如何又入城。

再遊南峯

放鶴亭前落葉重，吟身獨上夕陽峯。遠村近浦分諸樹，後嶺前山應一鐘。高閣倚殘歸鳥過，空林行盡老僧逢。支公駿馬嗟何處，石上莓苔沒舊蹤。

送李使君鎮海昌

勅有
雙朝

海風千里捲雙旌，按轡初聞屬部清。人雜島夷爭午市，潮隨山雨入秋城。鳴孤不近睢陽廟，突騎猶屯廣

利營肯掃帳中容我醉夜深燃燭臥談兵

寄題張著作普山隱居

霞映青山似赤城歸樓聞已謝時名半湖殘雨收虹影
幾樹斜陽帶鳥聲竹下逢僧投杖揖蘿間候客抱琴行
平生應笑玉夷甫末路方言少宦情

次韻倪雲林見寄

草滿當年食客堂一身投老寄僧牀秋風吟怨受蘭浦
暮雨行愁苦竹岡任廣豈能諧薄俗養和且為駐顏光
酒錢十萬今誰送獨嗅黃花對夕陽

秋日江居寫懷

葭葉連秋渺々長歸舟猶歎滯江鄉客衣欲冷隣機
急農事初成野飯香千里斷雲隨雁鷺半村殘照送
牛羊有愁不解登高賦空使頻迴宋玉腸

同

舌在休誇術未窮且將蹤跡託漁翁芙蓉澤國瀟瀟漫
雨禾黍田疇掩冉風身計未成先業廢心懷欲說舊
交空楚雲吳樹無窮恨都在蕭條隱几中

同

風塵零落舊衣冠獨客江邊自少歡門巷有人催稅
到隣家無處借書看野蟲催響天將夕籬豆垂花雨

稍寒終卧此鄉應不憾只憂飄白尚難安

同

亂裏將家幸得全客中長耻受人憐妻能守道同王
霸婢不知詩異鄭玄借得種蔬傍舍地分來灌菊別
池泉却欣遠跡無相問一棹秋風笠澤邊

同

秋塘門掩竹穿沙為客隣醅未易賒閒裏壯年暫白
日愁中佳節負黃花漁村靄々綠江暗農徑蕭々入
圃斜薄俗相輕吾敢怨魯人猶自笑東家

漫成

已分棲遲不自疑江邊林下儘幽期病惟好懶寧須
藥心未忘機偶對棋閒館雨聲花落夜深塘草色燕
飛時春來頗喜囊中富添得新成幾首詩

與杜進士寅登白蓮閣對雨

遠愁高樹共離心風送潮聲上浦遲海客市中烟起
處江僧閣外雨來時船歸杳靄唯聞櫓店陰蒼茫不
見旗回首南朝今幾時可堪重詠牧之詩

過故將軍第

甲第如雲紫陌東當年得意負邊功美人笑容登樓
上假子將兵衛閣中深計漫誇三窟固遊魂難返九

原空門前車馬今誰到零落槐花向晚風

新春次余左司韵

雪晴稍々見花枝書閣朝眠日影移酒到好懷傾輒
盡詩逢高韵和應遲今朝間豈尋春得前夜愁因送
客知走馬南園芳草綠憑君莫問少年時

次韵揚礼曹秋日見贈

殘雨條々映彩虹憐君獨詠楚臺風遠江帆影秋燕
外故苑砧聲晚樹中壯歲漸如辭幙燕間身猶作賣
書蟲雅音自古無能好莫向人誇瑟最工

警宿行營舟中

蕪葭霜露冷侵船落雁驚鳥總未眠戍卒猶明高柵
火居人同宿廢村烟醉中遠夢欺長夜亂裏窮愁折
壯年莫問身間何到此久思提劍學防邊

次韵揚礼曹雨中卧疾

門前問疾幾人車曲巷深々樹影斜每愛積書綠有
子不愁聽雨為無花亂來官俸猶支粟睡起僧書忽
寄茶何事一春頻謁告只應來辨酒中蛇

岳王墓湖在西

大樹無枝向北風千年遺恨泣英雄班師詔已來三
殿射虜書猶說兩宮每憶上方誰請劍空嗟高廟自

宋史武穆傳載其語云十年之

力癸于一且用十年方切

藏。子。樓。霞。嶺。上。今。曲。首。不。見。諸。陵。白。露。中。

寄海昌李使君

與前選李使君並佳

海。上。波。濤。夜。不。驚。使。君。雖。老。尚。能。兵。荒。烟。白。鹵。家。々。竈。落。日。黃。岡。處。々。營。人。雜。島。夷。爭。小。市。潮。隨。山。兩。入。孤。城。明。朝。硤。石。山。頭。路。我。欲。停。車。聽。頌。聲。

梅花

俗意新格

瓊。姿。只。合。在。瑤。臺。誰。向。江。南。處。々。裁。雪。滿。山。中。高。士。卧。月。明。林。下。美。人。來。寒。依。疎。影。蕭。々。竹。春。掩。殘。香。漢。々。苔。自。去。何。郎。無。好。詠。東。風。愁。殺。幾。回。開。

歸吳至楓橋

遙。看。城。郭。尚。疑。非。不。見。青。山。舊。塔。微。宦。秩。加。身。應。謬。得。鄉。音。到。耳。是。真。歸。夕。陽。寺。掩。啼。鳥。在。秋。水。橋。空。乳。鴨。飛。寄。語。閭。里。休。復。羨。錦。衣。今。已。作。荷。衣。

寄題內弟周思敬野人君

野。人。何。處。是。幽。栖。閑。在。天。隨。舊。宅。西。半。屋。圖。書。春。落。盡。一。村。花。柳。晝。鳴。雞。分。泉。自。給。烹。茶。水。待。雨。惟。耕。種。藥。畦。日。暮。扁。舟。欲。相。訪。恐。驚。鷗。鳥。過。前。溪。

弔七姬塚

疊。玉。連。珠。棄。草。根。仙。遊。應。遂。馬。嵬。魂。孤。墳。掩。夜。香。初。冷。幾。帳。留。春。被。尚。溫。佳。麗。總。傷。身。薄。命。難。危。未。負。主。

難一作艱 總一作設

五言絕
以古淡
自然為
貴李太
白玉寧
結韋左
司諸人
其選也
集中首
々用意
高出眾
人而古
潛處未
副唐賢
境取

多思爭妍無復呈歌舞寂々蒼苔鎖院門

刀

大食購千金妖精泣太陰燈前開匣看無限詐君心

問梅閣

問春何處來春來在何許月隨花不言幽禽自相語

題雜畫

夕陽數峯遠霽々江南思烟外有鐘聲山僧獨歸寺

為外舅周隱君題雜畫

山深嵐氣寒高齋掩窗臥林間踏葉聲知有樵人過

略上人房竹

幽篠半梢橫山窗颭月明上人禪定久不怕有秋聲

題芭蕉

叢蕉倚孤石綠映間庭宇客意不驚秋蕭々任風雨

池亭

虛攔枕池波間凭看浴鷺秋荷知幾葉添得雨聲多

曉發山驛

風殘杏花曉馬上聞啼鳥茅店未開門山多住人少

題畫贈別

扁舟暮歸去別路江南樹愁指楚山遙明朝望君處

山中別寧公歸西塢

一上香臺看落暉。沙村孤樹晚依微。老僧不出青山寺。只有鐘聲送客歸。

秋夜同周著作宿婁浦

小解寒依竹浦雲。酒闌相對說離群。一聲新雁誰先聽。今夜江南我與君。

入郭過南湖望報恩浮屠

雨過春陂柳浪香。布帆歸緩怕斜陽。漁人為指江城近。一塔船頭看漸長。

山寺冒雨還西郭

栗葉翻々滿寺秋。出門風雨未全收。自慙騎馬非閒

最近唐人

客。可是山僧不解留。

宮女圖

女奴扶醉踏蒼苔。明月西園待宴迴。小犬隔花空吠影。夜深宮禁有誰來。

過山家

流水聲中響緯車。板橋春暗樹無花。風前何處香來近。隔崦人家午焙茶。

逢吳秀才復送歸江上

江上停舟問客蹤。亂前相別亂餘逢。暫時握手還分手。暮雨南陵水寺鐘。

風雨早朝

漏屋鷄鳴起濕烟。寒驢難借強朝天。却恐春水江南岸。間聽蓬聲卧釣船。

楚宮

雨去雲來十二峯。渚宮樓閣暮重。細腰無限空相妒。不覺瑤姬夢裏逢。

秋江晚渡圖

鷓鴣飛盡一洲蘋。帆帶秋雲度遠津。底事愁看画中景。昨朝曾送渡江人。

儀秦

二子全操七國權。朝談從合暮衙連。天如早為生民計。各與城南二項田。

簡相如

危計難成五步間。置君虎口幸全還。世人莫笑三閭懦。不使懷王會武關。

袁安

洛下人家懶去干。閉門僵卧雪漫漫。立朝不附薰天勢。應為平生耐得寒。

孔明

莫恨流星墮渭濱。出師未捷已沾巾。天應留取生司

正論

高青丘詩

馬歸作他年取魏人

錦帆溼

水繞荒城柳半枯。錦帆去後故宮蕪。窮奢畢竟輸漁父。長保秋風一幅蒲。

楓橋

畫橋三百映江城。詩裏楓橋獨有名。幾度經過憶張繼。烏啼月落又鐘聲。

春暮西園

綠池芳草滿晴波。春色都徒雨裏過。知是人家花落盡。菜畦今日蝶來多。

懷江上春日

柳下春潮沒舊磯。草堂猶在掩荆扉。如今歸夢休為蝶。化作輕鷗度水飛。

畫犬

獨兒初長尾茸々。行響金鈴細草中。休向瑤階吠人影。羊車半夜出深宮。

江上晚歸

渺々雙鳧落晚沙。一江秋色艷明霞。逢人不用停舟問。大樹村中即我家。

疎竹三禽圖

高青邱詩鈔

疎枝疎瘦竹枝低，三鳥寒多每竝棲。月落山空秋夢斷，不知誰箇最先啼。

柳塘飛燕

身輕不奈晚多風，春盡迴塘落絮空。楊柳陰遮三十里，畫樓何處捲簾櫳。

夜雨江館寫懷

寒春寒水遠村，有愁無酒不開門。青燈畫角黃昏雨，客共梅花併斷魂。

消夏灣

涼生白苧水浮空，湖上曾開避暑宮。清簟疎簾人去後，漁舟占尽柳陰風。

中唐口角

後漁舟占尽柳陰風。

三高祠

祀范蠡張翰陸龜蒙

功名不戀上將軍，一舸歸遊笠澤雲。戴去西施豈無意，恐留傾國更迷君。

夜至陽城田家

東津渡頭初月輝，南陵寺裏遠鐘微。主人入夜門未掩，浦響滿塘鷺鴨歸。

吳王井

曾聞鑑影照宮娃，玉手牽絲帶露華。今日空山僧自汲，一餅寒供佛前花。

金人馬圖

名玉愛遊獵，初試射鵬弓。白草秋原曠，黃沙晚塞空。
琵琶應漢女，騷裏是胡聰。歸醉葡萄綠，穹廬在月中。

與劉將軍杜文學晚登西城

木落悲南國，城高見北辰。飄零猶有客，經濟豈無人。
鳥過風生翼，龍歸雨在鱗。相期俱努力，天地正烽塵。

風骨高
青節集
中不多
見

和周山人見寄寒夜客懷之作

亂世難為客，流年易作翁。百憂尋歲暮，孤夢怯山空。
門掩雲峯裏，燈明雪竹中。無因乘夜訪，相慰一尊同。
城西客舍送周著作砥

客中寒食後，惆悵送君違。花隱歸城旆，風吹渡水衣。
夜窗炊黍散，春苑鬪茶稀。誰念西齋雨，相思獨掩扉。

送張司勳赴室慶同知

乍出司勳幙，還乘別駕車。按圖猶漢地，輸布盡蠻家。
山熱蛇懸樹，江晴鶴浴沙。那樓回首處，北斗近京華。

送前進士憂尚之歸宜春

淒涼瘦開府，老去復如何。故國歸鴻少，新朝振鷺多。
菊荒應自歎，麥秀竟誰歌。相送堪愁思，蕭々楚水波。

送曾主簿之平樂

路出桂江東，鄉音想未通。蛇飛山若露，鵬運海多風。

木魅長欺客。花蠻少學農。縣廳何處在。椰葉晚陰中。

送陳則

狹策去誰親。候門不禮賓。愁邊長夜雨。夢裏少年春。樹引離鄉路。花驕失意人。一杯歌短調。相送欲沾巾。

吳中送顧生歸海陵

涼風初變柳。歸興片帆孤。家向三秋到。田經幾歲蕪。舊音猶帶楚。新夢未離吳。明日江南北。相思有雁無。

和友人過米石

山暝斷機頭。猿聲兩岸愁。柳間唱女酒。月下估人舟。擒虎嗟橫渡。騎鯨憶醉遊。停橈正懷古。風急葦花秋。

京師寓廨

幾夜頻聽雨。經春不見花。蘼蕪青渚燕。楊柳白門鴉。拙宦危機遠。工吟癖性加。間坊車馬少。不似住京華。

送流人

漢條應偶觸。蠻俗未能諳。海近風多颶。山昏瘴似嵐。行衝哀甸克。食畏蠹家蠶。鄉國何年返。懸知老日南。

送宿衛將出守鄧州

中郎身領仗。宿衛在承明。舊射雙鵬落。新乘五馬行。紅雲遙魏闕。白水近穰城。好勸諸年少。春來賣劍耕。

甘露寺

高青丘詩集
勝地江山壯，名林歲月遙。剡藏京口樹，鐘送海門潮。
月黑龍光發，天清蜃氣銷。何當尋狠石，間坐話前朝。

何隱君小墅

移家營別墅，一徑竹扉開。泉滿疏渠放，花多借地栽。
壁間田器挂，窗裏浦帆來。自戀幽居樂，誰言是燕材。

贈長明府

聞道彈琴處，門前柳帶沙。海珍通估市，湖稅減漁家。
暮港迷荷葉，秋田間豆花。亂來無此地，君政亦堪誇。

谿上

秋色共谿長，遊人語笑涼。萍開天倒影，蓮墮水流香。

魚留和星渡，禽宜帶雨張。從今搖桂棹，不必問蒲湘。

送烏程馮明府

青山若下南，一騎入晴嵐。縣治琴聲古，泉香酒味甘。
竹欄春護鴨，篔簹夏分蠶。大小馮君後，傳家爾最堪。

病目不飲

患目未全明，醫教謝麴生。暫從彭澤止，恐學左丘盲。
壁下蘭尊掩，林間藥臼鳴。坐聽連日雨，何物慰閑情。

贈隣友

同居一塢中，只隔水西東。林近書燈露，溪迴酒舫通。
放鳧長合隊，移竹每分叢。只恐君微起，難期竹兩翁。

過戴居士宅

江邊戴顓宅。地好恆幽尋。高樹藏卑屋。新篁補舊林。
烏成留客語。雲作護花陰。不負滄洲約。重來論夙心。

收

自誇黃犢健。登龍共揮鞭。苗弄將斜日。蓑披欲斷烟。
歸鴉流水外。疎樹舊莊前。應笑使門客。騎驢走歲年。

亂後經妻公旧館

此地昔相依。重來事已非。新年芳草遍。旧里熟人稀。
遠燕皆巢樹。閒花自落磯。遺蹤竟難覓。愁步夕陽歸。

送陳少府赴嘉定

兩歌乘陰路。爭迎紺憶車。湖多田水滿。城小井烟疎。
夜戶猶聞犬。春濤欲上魚。期君布新政。去卜海濱居。

酬余左司

門巷接垂楊。同鄰忘異鄉。兒親欣見熟。僕立厭言長。
讀借風林簡。炊分雨碓梁。亂來成久別。能不為情傷。

西園問興

看到竹過隣。園林獨卧身。鳥聲間似野。人意倦如春。
殘雨驚池樹。斜陽照隙塵。如何堂上客。不及燕來頻。

郊墅雜賦

江水舍西東。隣家是釣翁。路痕深草沒。井脉暗潮通。

諸詠殊
有佳句
而格律

未道者
少陵秦
州雜詩
一章一
意便知
作法

高青女詩
籬隔蔬邊雨，門開竹下風。不因時賣畚，何事入城中。

全

幽車向誰誇，孤吟對晚沙。浣衣江動月，繫艇岸垂花。
行蟻如知路，歸鳥自識家。一尊茅屋底，隨意答春華。

全

春泥桑下路，孤策自扶行。身賤知農事，心閒見物情。
魚鳴風欲起，牛飯月初生。漸喜無人識，何煩易姓名。

全

路迂橋斷處，門靜憤眠時。孤墅藏群柳，諸田灌一陂。
僮閒春作少，婦懶午炊遲。誰言花源好，還令太守知。

全

虛閣近鳴湍，應宜把一竿。雨傷春麥爛，風折晚蒲乾。
抱甕臨江汲，携書入寺看。自慚何獨幸，世難此偷安。

全

入夜潮侵戶，經秋雨壞垣。里人淳少訟，田父醉多言。
稻蟹燈前聚，莎蟲機下喧。自應耽野趣，不是戀鄉園。

臨頓里

斬伐憑樵斧，經綸在釣車。薄雲還露月，小雨不妨花。
酒債應多處，詩名自一家。虛煩時主召，懶脫故衣麻。

舟中早行

隆々津鼓動江火留餘閃人家未起耕近水寒扉掩
船開息鴨散樹吐烟霏歛東郭去方遙青山見孤點

題宋迪晚烟歸舍圖

落日下嵐嶺行人逢已稀隔烟望田舍映水掩荆扉
鳥亂夕林暗草多秋苑微家人應候我賣畚郭中歸

高青邱詩鈔終

跋

四三

青邱詩鈔刻本矣此本以蘇廣潮沈
雙梅墩二翁之所批選上載李笠翁之評
語離僅小冊子又為之以稀余畏友攬卷
驚氏之評若氣囊法而後與雲玩久矣
以書者附來請梓以傳于世蓋青邱明初
之大家其集刻於彼者如大全集如來歸
以通於世者亦秘愛不敢視他人翻刻

於家邦者亦多然不若此抄之簡而精
也周禮獨樂之不如同也之語足勸中
外也遂踏馬年焉

明治己卯冬月

竹濠中尾被明溪



明治十二年六月二日出版御届
同 年十二月 刻成

故人

編輯人 廣瀬旭莊

定價四拾錢

大阪府平民

出版人 山本重助

西區阿波座中通二丁目十九番地

發兌書肆

西京

全

東京

全

紀伊和歌山

全

大阪

全

全

全

赤鹿	松岡	野田	平井	松田	岡田	佐々木	北村
志田	田田	田田	井田	田田	田田	々木	村四
忠靜	正	茂兵衛	大次郎	文幸	文慶	慶	郎兵衛
七	七助	衛	郎助	助助	助助	助助	衛

